

Gdje se nalazim? Agroklub.ba » Poljoprivredne vijesti » Lovac Edin u dramatičnoj borbi savladao medvjedicu: "Bacila se na mene kao puma"

KLADANJ📅 10.11.2025. 07:30📍 Tuzlanski kanton, Federacija Bosne i Hercegovine, Kladanj

Lovac Edin u dramatičnoj borbi savladao medvjedicu: "Bacila se na mene kao puma"

Na čeki na mjestu Mramor, susreo se prsa u prsa s medvjedicom, a nakon što je preživio brutalnu borbu, s vidljivim povredama je prevezen u bolnicu.



Foto: AK grafika*

👁 137👍 0🤍 0

"Bogu hvala precizan i bez greške", ovim riječima lovac **Edin Vejzović** iz Kladnja opisuje trenutak kada je jučer, 9. novembra, u samoodbrani, ustrijelio medvjedicu koja ga je napala na lovnom području Sokolina.

Vejzović se na čeki na mjestu Mramor, na planinarskoj "Borinoj stazi", susreo prsa u prsa s zvijeri, a nakon što je preživio brutalnu borbu, s vidljivim povredama je prevezen u bolnicu.

Bacila se kao puma

Kako je naveo, na šumskoj stazi iznad puta ugledao je dva medvjeda. Svjestan da je u pitanju život, reagovao je munjevito, ispalio metak i ustrijelio životinju u vrat.

"Moja sreća da je puška bila puna jer je veći, ispostaviti će se medvjedica, samo se okrenula i sa škarpe se bacila na mene kao puma. Vidjevši šta se dešava potpuno pribrano, svjestan da ako pogriješim više neću biti među živima, opalio sam jedan metak na zvijer koja je bila u letu na mene. Bogu hvala precizan i bez greške", rekao je Vejzović, piše **IKP Kladanj**.

Naveo je i kako ga je zvijer noktima uhvatila za glavu, pokušavajući da ga ugrize. Na licu se vide rezovi su od čela preko uha i vrata. "Uspio sam je baciti sa sebe, ali je ponovo već svoje nokte zarila u donji dio mojih leđa trgajući kaiš", dodao je opisujući borbu sa medvjedicom.

Zadobio je ranu od ugriza u nozi, duboku 30 cm, prije nego je medvjedica uginula. Dugi medvjed je, navodi, pobjegao nakon pucnja.

Nijedan vitalni organ nije oštećen

Nakon što se izvukao ispod ustrijeljene životinje, uspio je pozvati kolege. "Kada su me vidjeli sav u krvi i naravno onakvog kakav nisam mogao ni pomisliti da sam jer ja sebe nisam vidio, svi su bili van sebe", ispričao je Vejzović.

Lovac je hitno prebačen na zbrinjavanje, gdje je utvrđeno da, srećom, nijedan vitalni organ nije oštećen. Policija je obavila uviđaj, a o okolnostima je upoznat i dežurni tužilac. Danas će biti izvršeno mjerenje zvijeri. Medvjed je u BiH zaštićena životinja te je lov na njega zabranjen, međutim, u ovom slučaju se radilo o samoodbrani.

Naslovna fotografija: Shutterstock/Malachi Jacobs/IKP Kladanj

Tagovi

🔍 Lovac🔍 Medvjed🔍 Edin Vejzović🔍 Mramor🔍 Kladanj

Autorica



Selma Mujić

Diplomirani žurnalista i digitalni marketing menadžer, s višegodišnjim iskustvom u tv i web novinarstvu.

AGROKLUB KOMENTARI

Trenutno nema komentara. Budi prvi i komentiraj!

IZDVOJENI TEKSTOVI

POPULARNO


KOMENTIRANO

NOVO




Bosanski oštrodlaki gonič barak – lovni pas koji dobro čuva svoju teritoriju

👍 748



Pad otkupne cijene mlijeka neupitan: Farmeri čekaju udar, prerađivači šute

👍 180



Mljekari uzeli stvari u svoje ruke: Snimaju recepte od domaćih proizvoda

👍 120




Načelnica u štiklama provozala novi traktor: Komentari nisu izostali

👍 94

IZDVOJEN OGLAS



KLUB



Selma Mujić

🌐 prije 3 tjedna

...

Glamočki Kovačević krompir - ove godine 80 tona. Cijene su 1 KM/kg za količine od tone, za maloprodaju 1,50 KM, a sjemenski 2 KM/kg.



💬 0🔗

🤍 4

PRATI NAS NA DRUŠTVENIM MREŽAMA

Volimo nove medije i čitav svijet novih komunikacija. Prati nas na društvenim mrežama i postani dijelom Agroklub zajednice.

FacebookX (ex.Twitter)



41,0k



326

PREUZMI MOBILNU APLIKACIJU AGROKLUB

Mobilnu aplikaciju Agroklub možeš naći na Google Play trgovini za uređaje na Android plaformi i na Apple storeu za iOS uređaje.

Google Play

App Store



12,2k



3,4k



Poljoprivredni portal | Poljoprivredni oglasnik | Baze podataka | KLUB, društvena mreža

O Agroklubu | Oglašavanje | Uvjeti korištenja | Za developere | Kontakt/Impressum | Agroklub Pretplata

Sva prava pridržana © Agroklub 2008-2025